



ՄԱՅՐ ԱՅԽԱՆՈՒ ՍՈՒՐԲ ԷԶՄԻԱՃՆԻ
ԿՐՈՆԱԿԱՆ, ՄԵԿԱՎՈՐԹԱՅԻՆ,
ԼՐԱՏՎԱԿԱՆ ԵՐԿԵԱԲԱԹԱԹԵՐԹ



Ն. Ս. Օ. Տ. Տ. Գարեգին Բ Ամենայն Հայոց Կաթողիկոսի ուղերձը Արցախի հանրաժողովրդին օրվա առիթով

Գիտելիքի, գրի եւ դպրության օրվա առիթով Մայր Աթոռ Սուրբ Էջմիածնից հայրապետական Մեր օրհնությունն ու շնորհավորանքն ենք բերում կրթական գործի բոլոր նվիրյալներին, դպրոցական ու համալսարանական մեր զավակներին:

Դարեր շարունակ կրթությունը, գիտության ու մշակույթի զարգացումը առաջնահերթություն են եղել հայոց ազգային-եկեղեցական անդամատանում: Մեր ժողովրդի պատմության դժվարին ժամանակներում անգամ հայոց դպրոցներն ու դրանց անխոնջ մշակները կրթել ու դաստիարակել են ազգի, հայրենիքի ու եկեղեցու արժանավոր զավակների, ամրապնդել նրանց աստվածասիրությունը, հայրենամոլությունն ու ազգային ինքնագիտակցությունը:

Այսօր մեր պետության ու ազգի առջեւ ծառացած լրջագույն հիմնախնդիրների դիմագրավմանը զուգընթաց առաջնային է հավատարմությունը, հայրենասեր, բանիմաց ու լուսամիտ սերունդ կերտելու առաքելությունը, քանզի, ինչպես մեծանուն պատմիչն է վկայում, «բոլոր չարիքները մարդու միտքն են մտնում սոցիալականության»:

Աղոթում ենք, որ Տերը անմվազ եռանդ ու կորով շնորհի կրթության ասպարեզում իրենց ծառայությունը բերող բոլոր նվիրյալներին եւ լուսավորի միտքը աշակերտ եւ ուսանող մեր զավակների՝ նախաձեռնություններով գիտելիք ամբարելու եւ այն ծառայեցնելու մեր երկրի առաջընթացին, մեր ժողովրդի բարօր ու լուսավոր ապագայի կերտմանը:

Թող Տիրոջ օրհնությամբ այս մեր ուսումնական տարին բարեգարգի բարի արգասիքներով՝ ի զորացումն մեր հայրենիքի եւ մեր ժողովրդի:

Ն. Ս. Օ. Տ. Տ. Գարեգին Բ Ամենայն Հայոց Կաթողիկոսի ուղերձը Արցախի հանրաժողովրդին օրվա առիթով

Սիրելի բարեպաշտ ժողովուրդ, Ավելի քան երեք տասնամյակ առաջ Արցախի մեր զավակները համառ պայքարով եւ հավաքական կամքով իրենց անկախությունը հռչակեցին: Պատմական իրենց հողի վրա ազատ, անկախ ու արժանապատիվ կյանք կերտելու տեսլիքով քաջարի արցախցիները համայն հայության զորակցությամբ եւ իրենց տքնաջան աշխատանքով շենացրին հայրենիքը եւ նշանակալի ձեռքբերումներով ամրացրին հիմքերը Արցախի նորանկախ Հանրապետության:

Այսօր ծանրացած սրտով եւ խոր մտահոգություններով ենք դիմավորում Արցախի անկախության տոնը: Արցախը վերստին կանգնած է գոյաբանական սպառնալիքների առջեւ: Աղբյուրները, հայատյացությունը պետական քաղաքականություն դարձրած, շարունակում է անթաքույց իրագործել Արցախը հայաթափելու եւ բռնազավթելու նորագործ իր մտադրությունները՝ ցեղասպանական գործողությունների մոտաճող ծրագրով: Ավելի քան ինը ամիս ապօրինաբար արգելափակված Բերձորի միջանցքը Աղբյուրները դարձրել է գործիք իր հանցավոր նպատակների իրագործման համար՝ մեր զավակների նկատմամբ հետեւողականորեն սաստկացնելով բռնաճշմունքներն ու ահաբեկումները:

Անելանելի թվացող այս ծանր իրավիճակում չկա այլ ճանապարհ, քան համագործակցելու համախմբումը եւ ջանքերի մեկտեղումը՝ հանուն Արցախի մեր ժողովրդի ինքնորոշման իրավունքի պաշտպանության, հանուն արցախահայության ազատ ու անվտանգ կյանքի: «Ամեն ինչ հանուն Արցախի»՝ նշանաբանով պիտի դիմակայենք ու հաղթահարենք մեզ պատուհասած

փորձությունները, քանզի, առաքյալի խոսքի համաձայն, «նեղությունները համբերություն են բերում, համբերությունը՝ փորձառություն, փորձառությունը՝ հույս: Հույսը երբեք չի ամաչեցնում» (Հռ. Ե 3–5):

Այս հավատքով Մայր Աթոռ Սուրբ Էջմիածնից Արցախի Հանրապետության օրվա առիթով հայրապետական Մեր օրհնությունն ու բարեմաղթանքներն ենք հղում Արցախի քաջարի ժողովրդին, պետական այրերին ու Արցախի թեմի հոգեւոր դասին՝ մաղթելով հավատի ու հույսի ամրություն, տոկոսություն ու արիություն՝ Արցախի փրկության պայքարում:

Թող Տիրոջ սերը, օրհնությունն ու խաղաղությունը հովանի լինեն Մեր բարեսեր ժողովրդին եւ համայն աշխարհին:

2 սեպտեմբերի, 2023 թ.

Գերագույն հոգեւոր խորհրդի ժողովը Մայր Աթոռ Սուրբ Էջմիածնում

Ոգոստոսի 28–31-ը Մայր Աթոռ Սուրբ Էջմիածնում, միապագահությամբ Ն. Ս. Օ. Տ. Տ. Գարեգին Երկրորդ Ճայրագույն Պատրիարք եւ Ամենայն Հայոց Կաթողիկոսի, տեղի ունեցավ Գերագույն հոգեւոր խորհրդի ժողովը: Ժողովի նիստերը վարեցին Արեւմտյան Եվրոպայի հայրապետական պատվիրակ Տ. Խաժակ արք. Պարսամյանը եւ Մայր Աթոռի դիվանապետ Տ. Արշակ արք. Խաչատրյանը:

Աղբյուրներից ազդեցիկ եւ աշխարհաքաղաքական բարդ զարգացումների հետեւանքով Հայաստանի ու Արցախի Հանրապետություններում ստեղծված կացության վերաբերյալ զեկույցներով հանդես եկան Արցախի թեմի առաջնորդ Տ. Վրթանես եպս. Աբրահամյանը, ԳՀԽ անդամ ի. գ. դ. Գեւորգ Դանիելյանը եւ «Թաթյան» հիմնադրամի տնօրեն Արման Թաթյանը:

Խիստ մտահոգությամբ արձանագրվեց, որ միջազգային լարված իրադրությունից օգտվելով՝ Աղբյուրների իշխանությունները, որոնք գրած պետական քաղաքականության շրջանակներում, ոչ միայն ձգտում են բռնազավթել Արցախը, այլեւ Հայաստանի Հանրապետության ինքնիշխան տարածքները: Այս համատեքստում անդրադարձ կատարվեց Բերձորի միջանցքի արգելափակման արդյունքում Արցախի ամբողջական շրջափակվածությունը եւ արցախահայության նկատմամբ դրսեւորվող անմարդկային բռնաճշմունքներին ու ցեղասպան գործողություններին, ինչի հետեւանքով խաթարվել են երկրի կենսագործունեության բոլոր ոլորտները:

Ներկայացվեցին նաեւ աղբյուրական իշխանությունների կողմից նախաձեռնված քայլերն ու գործողությունները՝ ուղղված է-



միկ հայկական հետքերի ոչնչացմանն ու յուրացմանը: Չեկույցների շուրջ ծավալված բնաբարկումների արդյունքում ԳՀԽ-ն հանդես եկավ առանձին հայտարարությամբ:

Մյուս կողմից, եպիսկոպոսաց ձեռնադրության արարողությունների կազմակերպման ընթացքի, ինչպես նաեւ Մայր տաճարի հիմնադրույթության, ներքին հարդարման եւ շրջակայքի բարեկարգման աշխատանքների վերաբերյալ զեկույցներով հանդես եկան Մայր Աթոռի դիվանապետ Տ. Արշակ արք. Խաչատրյանը եւ լուսարարապետ Տ. Մուշեղ եպս. Բաբայանը:

Արձանագրվեց, որ 2023 թ. հոկտեմբերի 1-ին Մյուսնոսրիների արարողությանն իրենց մասնակցությունը կբերեն քույր Եկեղեցիների եւ միջեկեղեցական կառույցների ներկայացուցիչներ, Հայ Եկեղեցու նվիրապետական աթոռներից ու աշխարհասփյուռ թեմերից բարձրաստիճան հոգեւոր հայրեր եւ հավատացյալ ուխտավորներ: Մյուսնոսրիների արարողության շրջանակներում սեպտեմբերի 30-ին Սուրբ Գայանե վանքում տեղի կունենա «Խաղաղության աղոթք»՝ միջեկեղեցական պատ-

վիրակությունների մասնակցությամբ, իսկ հոկտեմբերի 8-ին՝ եպիսկոպոսաց ձեռնադրություն:

Մյուսնոսրիության տոնական արարողության կազմակերպման աշխատանքների հետ առնչված խոսվեց տաճարի շրջակայքի բարեկարգման ընթացքի մասին: Արձանագրվեց, որ մինչ Մյուսնոսրիներ Մայր Աթոռ Սուրբ Էջմիածինը շինարարների ներդրած ջանքերի արդյունքում պատշաճ բարեգարգությամբ կներկայանա ուխտավոր հայրերին:

Ժողովի ընթացքում մտքեր փոխանակվեցին նաեւ Երուսաղեմի Հայոց Պատրիարքարանի կողմից «Կովերի պարտեզ» կալվածքի վարձակալության գործարքի խնդիրների շուրջ: ԳՀԽ-ն կարեւորությամբ ընդգծեց, որ շարունակելու է հետամուտ լինել հարցի բարվոք կարգավորմանը, եւ այդ կապակցությամբ գործադրվելու են հնարավոր բոլոր ջանքերը:

Ժողովի ընթացքում բնաբարկվեցին նաեւ եկեղեցավարչական, կարգապահական եւ եկեղեցու առաքելության արդյունավորմանն առնչվող այլ հարցեր:

Գերագույն հոգեւոր խորհրդի հայտարարությունը

Գերագույն հոգեւոր խորհուրդը, անդրադառնալով հայրենիքի առջեւ ծառայած գոյաբանական մարտահրավերներին եւ դրանց հետեւանքով Հայաստանի եւ Արցախի Հանրապետություններում ստեղծված կացությանը, արձանագրում է, որ հայրենական կյանքում առկա իրավիճակը ծայրահեղ մտահոգիչ է:

Ադրբեջանական իշխանությունների օգտագործած հետադարձությունը, ինչպես նաեւ նախաձեռնած քայլերն ակնհայտ են դարձնում, որ վերջինս պաշտոնապես որդեգրել է ոչ միայն Արցախի Հանրապետությունը, այլեւ Հայաստանի Հանրապետության ինքնիշխան տարածքները բռնազավթելու, էթնիկ հայկական ինքնության հետքերն ու ժառանգությունը ոչնչացնելու քաղաքականություն՝ նպատակ հետապնդելով կազմաքանդել հայոց պետականությունը: Ադրբեջանը ոչ միայն չի դադարեցնում Արցախի շրջափակումը, այլեւ շարունակում է իրականացնել ցեղասպան իր քաղաքականությունը՝ թշնամանքի ու բռնության մոտեցումով դրսևորումներով: Ադրբեջանի պետական եւ հանրային ողջ քարոզամեքենան լծված է հակապատմագիտական թեզերի միջոցով հանրային լայն հարթակներում հայոց պետականության եւ ողջ հայության դեմ

կեղծ ու հերյուրածին տեղեկությունների տարածմանը:

Առկա բարդ ու վտանգավոր զարգացումների հանդիման առավել քան մտահոգիչ են Հայաստանի իշխանությունների անհամաչափ արձագանքներն ու վարքագիծը: Մերժելի է հատկապես Արցախն Ադրբեջանի կազմում ճանաչելու վերաբերյալ Հայաստանի իշխանությունների դիրքորոշումը, որը չունի բարոյական, իրավական ու անվտանգային որեւէ հիմնավորում եւ բացարձակապես չի համապատասխանում մեր ժողովրդի հավաքական սպասումներին ու ազգային շահերին: Հայաստանի ինքնիշխանությունն ու տարածքային ամբողջականությունն անսակարկելի են, Արցախի ժողովրդի համաքվեով իրացված ինքնորոշման իրավունքը՝ անվիճարկելի:

Գերագույն հոգեւոր խորհուրդը բարձր է գնահատում Արցախյան խնդրի կարգավորման ուղղությամբ միջազգային կառույցների ներդրած ջանքերը: Այսուհանդերձ՝ Արցախի հայության առջեւ ծառայած անմիջական սպառնալիքների համատեքստում միջազգային կառույցների կողմից իրականացվող քայլերն ու նախաձեռնությունները, ցավոք, շարունակում են մնալ անհամարժեք:

Հայրենիքի առջեւ ծառայած գոյաբանա-



կան մարտահվերների հաղթահարման համար ՀՀ իշխանությունները պարտավոր են ձեռնարկել այնպիսի միջոցներ, որոնք կհամախմբեն ազգային, քաղաքական եւ հասարակական կառույցների ողջ ներուժն ու կարողությունները Հայաստանում, Արցախում եւ Սփյուռքում: Հայրենիքն ամենքինս է, հայոց պետականությունը՝ սրբազան մասունքը յուրաքանչյուր հայի:

Արցախի Հանրապետության տոնին՝ սեպտեմբերի 2-ին ընդառաջ, Գերագույն հոգեւոր խորհուրդն իր գորակցությունն է բերում Արցախի քաջարի ժողովրդին՝ հայրենի երկրում ազատ, անկախ ու արժանապատիվ կյանքի համար հերոսական իր պայքարում:

Գերագույն հոգեւոր խորհրդի կողմ է մեր ժողովրդին՝ ամենայն սթափությամբ զնախատել երկրում ստեղծված իրավիճակը, թոթափել անտարբերության թմբիրը, համեմառություն ստանձնել հայրենիքի համար եւ ամենուր մասնակից ու աջակից դառնալ Արցախի անկախության պաշտպանությանն ուղղված ծրագրերին ու միջոցառումներին:

Ամուր վստահություն ունենք, որ Աստծու եւ սերունդների առջեւ ամբողջանվեր պատասխանատվությամբ եւ մեր նախնյաց քաջարի ոգով ու տոկունությամբ կարող պիտի լինենք հաղթահարելու մեզ բաժին ընկած ծանրագույն մարտահրավերները:

Թող Աստված օրհնի երկիրն հայրենի եւ ժողովրդյանն հայոց. ամեն:

Մայր Աթոռ Սուրբ Էջմիածնում կատարվեց կրթության մեակների օրհնության կարգ

Ոգոստոսի 31-ին՝ 2023—2024 թթ. ուսումնական մոր տարեշրջանին ընդառաջ, Սուրբ Գայանե վանքում, նախագահությամբ Ն. Ս. Օ. Տ. Տ. Գարեգին Երկրորդ Ծայրագույն Պատրիարք եւ Ամենայն Հա-

յոց Կաթողիկոսի, տեղի ունեցավ կրթության մշակների օրհնության կարգը:

Արարողությամբ ներկա էին կրթական կառույցների եւ ՀՀ ԳԱԱ ներկայացուցիչներ, բուհերի ղեկավարներ, մարզային կրթության

վարչությունների ղեկավարներ, հանրակրթական դպրոցների տնօրեններ եւ մանկավարժներ:

Օրհնության կարգի ավարտին Ամենայն Հայոց Կաթողիկոսն իր հայրապետական

օրհնությունն ու գնահատանքը փոխանցեց կրթության ոլորտի երախտավորներին:

Վերջում, ի պատիվ իրավիրյալների, տեղի ունեցավ ընդունելություն:

Ն. Ս. Օ. Տ. Տ. Գարեգին Բ Ամենայն Հայոց Կաթողիկոսի խոսքը կրթության մշակների օրհնության արարողությանը

Սիրելի մանկավարժներ, Կրթադաստիարակչական առաքելության պատասխանատուներ,

Ողջունում ենք ձեզ Մայր Աթոռ Սուրբ Էջմիածնում եւ հայրապետական Սեր օրհնությունն ու բարեմաղթանքները բերում ամենքիդ՝ ուսումնական մոր տարվա մեկնարկի առիթով: Այսօր Սուրբ Էջմիածնում ուխտի վերանորոգության օր է ձեզ համար՝ զորանալու հավատքով եւ նվիրյալ ձեր աշխատանքով սահակ-մեսրոպյան ոգով կրթելու մեր ազգի զավակներին ու նպաստելու հայոց պետականության ամրապնդմանն ու ազգային մեր կյանքի բարգավաճմանը:

Դարերի ընթացքում մտքի եւ հոգու լուսավորությունը մշտապես եղել է եւ է Հայոց Եկեղեցու հոգեփրկչական ու ազգապահպան առաքելության ամբաժանելի մասը: Մեր երանաշնորհ հայրերը հոգեմտավոր մեր հարուստ ժառանգությամբ ուսուցանել եւ իմացության ու գիտելիքի լույսն են փոխանցել մեր սերունդին՝ հայրորդաց սրտերում ամրապնդելով սերը եւ նախանձախնդրությունը հայրենիքի եւ մեր սրբազան արժեքների հանդեպ: «Բոլոր չարիքները մարդու միտքն են մտնում տգիտությունից»,— զգուշացնում է Սուրբ Եղիշե վարդապետը Ավարայրի ճակատամարտը նկարագրող իր մատյանում: Այս համոզումով ու գիտակցությամբ են առաջնորդվել կրթության գործին լծված ազգիս նվիրյալ մշակները՝ մերժելով խավարն ու ջատագովելով մտքի լուսավորությունը եւ առաջնային նկատելի հոգեւոր-ազգային նկարագրով մարդու ձեւավորումը: Այս առաքելության առաջամարտիկները աստվածասեր ու հայրենամուկ Սուրբ Թարգմանիչ վարդապետներն էին, միջնադարյան մեր համալսարանների ու վարդապետարանների թաթուխապետներն ու կրթական օջախներում ուսանած լուսամիտ սերունդները:

Արձանագրած նշանակալի ձեռքբերումներով նրանք առաջատար էին ժամանակի գիտության ու կրթության ոլորտներում: Հայոց վարդապետներն անձնուրաց գոր-



ծունեությամբ ամբողջանվեր ծառայում էին ազգին ու մեր Սուրբ Եկեղեցուն՝ կրթությունը միջոց համարելով աստվածասեր ու հայրենամուկ ոգի ու նկարագիր կերտելու եւ ազգային ինքնությունը պահպանելու համար: Այսօր էլ Հայոց Եկեղեցու կրթադաստիարակչական սրբազան առաքելության տեսլականը նույնն է: Սակայն նկատելի է, որ մեր երկրի կրթական անդատանում որոշապես տկարացել է ազգային արժեք-համակարգով մեր սերունդներին կրթելու անհրաժեշտության գիտակցությունը: Ներդրվող կրթական մոր չափորոշիչներով նվազեցվում է մոր սերնդի ազգային ինքնագիտակցության ու հոգեկերտվածքի կարելությունը, ինչը խոցելի է դարձնում մեր զավակներին համաշխարհայնացման գործընթացներում:

Հիրավի, դժվարին ժամանակներ ենք ապրում. դարերի բովում հղկված եւ մեր ազգի կյանքում արմատացած արժեքները մեր օրերում աղավաղվում են, եւ փոխա-

րենը անցողիկ եւ վնասակար գաղափարախոսություններ, երեսույթներ ու դրսևորումներ են ներմուծվում հասարակական կյանքից ներս՝ ստեղծելով նաեւ հոգեբարոյական ճգնաժամ: Նոր տեխնոլոգիաների սրընթաց զարգացմամբ, ինչպես եւ մարտահրավերներով ու փորձություններով հատկանշվող ժամանակակից աշխարհում կենսականորեն կարելու է ազգային ինքնության ձեւավորմանը եւ պահպանմանը միտված մրցունակ կրթության ապահովումը՝ հատկապես կրթական ծրագրում ընդգրկված առարկաների շարքում հայրենագիտական առարկաների պատշաճ դասավանդումն ու մշտամա արժեքների փոխանցումը մեր զավակներին: Անընդունելի եւ դատապարտելի է, որ կրթական մոր համակարգում կառավարության եւ կրթական ոլորտի պատասխանատուների որոշմամբ այնպես չի լինելու ժամանակի քննությունը հաղթահարած, աշակերտների եւ նրանց ծնողների կողմից սիրված,

ազգային նկարագիրը, ոգին ամրացնող ու արժեհամակարգ սերմանող «Հայոց Եկեղեցու պատմություն» առարկան: Այն մորանկախ մեր պետության կրթական ասպարեզի կարելու ձեռքբերումներից էր, որի ավանդման գործում եւս Եկեղեցի—պետություն գործակցությունն արդյունավորվել է հայրենաշահ եւ հոգեշահ տարբեր ձեռնարկներով:

Կրթության սիրելի մշակներ, այսօր ձեզ են վստահված մեր սերունդների կրթությունն ու դաստիարակությունը, նրանց մնայուն արժեքներ փոխանցելու եւ հայկական դիմագիծ ու դրոշմ ունեցող ազգի զավակներ կերտելու: Երբեք չվիասվեք եւ չընկճվեք փորձություններով ու մարտահրավերներով լի այս դժվարին ժամանակաշրջանում: Ձեր գործը քաղցր է, ձեր ճանապարհը թեւս դժվարին, բայց պատվաբեր, նշանակալի ու երախտարժան: Ձեր աչքի առաջ ունենալով սահակ-մեսրոպյան փառանքին, երանաշնորհ վարդապետներին ու կրթության բազում նվիրյալների՝ առավել սիրով եւ նախանձախնդրությամբ շարունակեք աստվածահաճ ձեր առաքելությունը՝ ի շահ մեր սիրելի զավակների եւ ի բարօրություն մեր ազգի ու պետության:

Հիշարժան այս օրը կրկին հայրական Սեր գնահատանքն ենք բերում ամենքիդ ձեր գովարժան ծառայության համար՝ մաղթելով աննկուն կամք, մոր իրագործումներ: Թող ձեր ցանաճ բարի հունդերը առատ պտուղներ են արդյունք տան՝ համուն մեր կյանքի առաջընթացի եւ մեր մոր սերնդի լուսավոր ապագայի:

Աղոթում ենք, որ ամենակարող Աստված անսասան պահի Հայոց աշխարհը եւ լուսավորչահիմն մեր Սուրբ Եկեղեցին եւ Իր Սուրբ Աջի ամենախնամ հովանու ներքո պահպանի ու շնորհագարդի աշակերտ եւ ուսանող մեր զավակներին, զորակից լինի իմացություն ու գիտելիք մատուցակող կրթության մշակներիդ՝ պարգեւելով մշտանորոգ հաջողություններ:

Բարի, օրհնյալ ուսումնական մոր տարի:

ԸՆԴՈՒՆԵԼՈՒԹՅՈՒՆՆԵՐ ՎԵՋԱՐԱՆՈՒՄ

Ամենայն Հայոց Կաթողիկոսն ընդունեց



Սեպտեմբերի 1-ին

Կաթողիկ հոգեւորականների

Ն. Ս. Օ. Տ. Տ. Գարեգին Երկրորդ Ծայրագույն Պատրիարք եւ Ամենայն Հայոց Կաթողիկոսն ընդունեց ճանաչողական այցով Հայաստան եւ Մայր Աթոռ Սուրբ Էջմիածին ժամանած Կաթողիկ եկեղեցու մի խումբ հոգեւորականների՝ գլխավորությամբ Վատիկանի քրիստոնեական միության խորհուրդի նախագահ Կարդինալ Լորենցո Եկեղեցիների բաժնի քարտուղար հայր Դիակինթոս Դեստիվելի:

Ողջունելով հյուրերին՝ Նորին Սրբությունն իր օրհնությունն ու բարեմաղթանքները փոխանցեց վերջիններին:

Հայոց Հայրապետը գոհունակությամբ անդրադարձավ Հայ եւ Կաթողիկ եկեղեցիների սերտ փոխարաբերություններին եւ արդյունավոր համագործակցությանը:

Հանդիպմանը Նորին Սրբությունն անդրադարձ կատարեց տարածաշրջանում առկա ծանր իրավիճակին՝ մասնավորապես Ադրբեջանի կողմից Հայաստանի ինքնիշխան տարածքների նկատմամբ

շարունակվող ոտնձգություններին եւ Արցախի ամբողջական շրջափակմանը, ինչի հետեւանքով արցախահայությունը հայտնվել է հումանիտար աղետի առջեւ: Հայոց Հոգևորականները խոսեց նաեւ Արցախի հոգեւոր եւ մշակութային ժառանգության ոչնչացմանն ու յուրացմանն ուղղված ադրբեջանական քաղաքականության մասին:

Ամենայն Հայոց Հայրապետը նաեւ վստահություն հայտնեց, որ հայ ժողովրդի զավակները Աստուծո օգնականությամբ, քրիստոնեական գործը հավատքի եւ բարեկամ երկրների շնորհիվ կկարողանան հաղթահարել իրենց առջեւ ծառացած բոլոր մարտահրավերներն ու փորձությունները:

Իր հերթին հայր Դիակինթոս Դեստիվելին, շնորհակալություն հայտնելով ջերմ ընդունելության համար, Նորին Սրբությանը տեղեկություններ փոխանցեց կաթողիկ հոգեւորականների խմբի Հայաստան եւ Մայր Աթոռ կատարած ճանաչողական այցի մանրամասների վերաբերյալ:



Սեպտեմբերի 8-ին

Արցախի երիտասարդներին

Ամենայն Հայոց Կաթողիկոսն ընդունեց արցախցի շուրջ 35 երիտասարդի՝ ուղեկցությամբ Արցախի թեմի առաջնորդ Տ. Վրթանես եպս. Արախանյանի:

Սրբազան հայրը, հայցելով Նորին Սրբության օրհնությունը, տեղեկացրեց, որ երիտասարդները Հայաստանում են իրենց ուսումը շարունակելու երեւանի բարձրագույն տարբեր ուսումնական հաստատություններում:

Հանդիպմանը երիտասարդ հայորդիները Նորին Սրբությանը ներկայացրեցին իրենց կողմից իրականացվող նախաձեռնությունները, որոնց նպատակն է հայ եւ միջազգային հանրության ուշադրությունը հրավիրել Արցախում ստեղծված հումանիտար աղետին եւ անվտանգային խնդիրներին:

Այնուհետեւ Ամենայն Հայոց Կաթողիկոսը, իր հայրական սերն ու օրհնությունը փոխանցելով երիտասարդ արցախցիներին, իր գնահատանքը բերեց նրանց՝ Արցախի առջեւ ծառացած մարտահրավերներին:

հաղթահարման գործում ներդրվող ջանքերի ու քաջարի ոգու դրսևորման համար:

Նորին Սրբությունը, մտահոգությամբ անդրադառնալով Արցախում տիրող իրավիճակին, հորդորեց երիտասարդներին անկոտրում կամքով շարունակել իրենց պայքարը հանուն արցախահայության ազատ, անկախ ու անվտանգ կյանքի իրավունքի:

Ամենայն Հայոց Հայրապետը նաեւ վստահություն հայտնեց, որ հայ ժողովրդի զավակները Աստուծո օգնականությամբ եւ միջազգային հանրության աջակցությամբ կկարողանան հաղթահարել իրենց առջեւ ծառացած բոլոր մարտահրավերներն ու փորձությունները:

Վերջում Հայոց Հոգևորականը պատասխանեց արցախցի երիտասարդների հարցերին, որոնք առնչվում էին արցախյան հիմնախնդրի կարգավորմանը, Արցախի հոգեւոր եւ մշակութային ժառանգության պահպանմանն ուղղված Մայր Աթոռ Սուրբ Էջմիածնի կողմից տարվող աշխատանքներին:

Սեպտեմբերի 13-ին

Իտալիայի Հանրապետության նախկին վարչապետին

Ամենայն Հայոց Կաթողիկոսն ընդունեց Իտալիայի Հանրապետության նախկին վարչապետ Ռոմանո Պրոդիին:

Հանդիպմանը ներկա էին նաեւ Իտալիայի Հանրապետությունում Հայաստանի Հանրապետության արտակարգ եւ լիազոր դեսպան Շովիմար Համբարձումյանը, ՀՀ-ում Իտալիայի Հանրապետության արտակարգ եւ լիազոր դեսպան Ալֆոնսո Դի Բիզոն եւ ԵՊՀ-ի ղեկավար Հովհաննես Հովհաննիսյանը:

Ամենայն Հայոց Կաթողիկոսը, ողջունելով մեծանուն քաղաքական գործչի այցը Մայր Աթոռ Սուրբ Էջմիածին, շնորհավորեց վերջինիս ԵՊՀ-ի կողմից պատվավոր դոկտորի կոչմանն արժանանալու առիթով:

Հանդիպմանը Հայոց Հոգևորականը նշեց, որ հայ-իտալական բարեկամությունն ունի դարերի պատմություն, եւ ընդգծեց, որ եղբայրական հարաբերությունների խորացման գործում կարեւոր դերակատարություն են ունեցել Հայաստանյայց Առաքելական եւ Հռոմի Կաթողիկ եկեղեցիները, որոնց ջերմ գործակցությունը շարունակվում է եւ այսօր:

Ամենայն Հայոց Կաթողիկոսն անդրադարձ կատարեց նաեւ տարածաշրջանում ստեղծված բարդ իրավիճակին, Ադրբեջանի կողմից Հայաստանի սահմանների նկատմամբ շարունակ ոտնձգություններին,



ինչպես եւ շրջափակման հետեւանքով Արցախում ստեղծված հումանիտար աղետին: Հայոց Հայրապետը, գնահատելով տարածաշրջանում խաղաղության ու կայունության հաստատման գործում միջազգային հանրության ներդրած ջանքերը, կարեւոր նկատեց առավել ազդու միջոցների գործադրումը՝ կանխելու արցախահայության նկատմամբ բռնաճնշումների եւ Արցախը հայաթափելու Ադրբեջանի քաղաքականությունը:

Իր խոսքում Իտալիայի նախկին վարչապետ Ռոմանո Պրոդին անդրադարձավ տարածաշրջանային ընդհանուր զարգացումներին եւ աշխարհաքաղաքական փոփոխություններին՝ ի մասնավոր կարեւոր նկատելով հակամարտության խաղաղ կարգավորման գործում միջազգային կառույցների առավել ներգրավվածությունը:

ՀՀ-ում Ֆրանսիայի նորանշանակ դեսպանին

Ամենայն Հայոց Կաթողիկոսն ընդունեց Հայաստանի Հանրապետությունում Ֆրանսիայի Հանրապետության նորանշանակ արտակարգ եւ լիազոր դեսպան Օլիվիե Դըկոտինյին:

Դեսպանին բարեմաղթելով արդյունավոր առաքելություն՝ Նորին Սրբությունն անդրադարձ կատարեց երկու երկրների միջեւ հաստատված ջերմ հարաբերություններին եւ գործակցությանը: Վեհափառ Հայրապետը գոհունակությամբ ընդգծեց, որ հայ-ֆրանսիական բարեկամական կապերի խորացման գործում իր ներդրումն ունի նաեւ Ֆրանսիայի հայկական համայնքը:

Ամենայն Հայոց Կաթողիկոսը, անդրադառնալով տարածաշրջանում ստեղծված ծանր կացությանը, իր երախտագիտությունը հայտնեց Ֆրանսիայի իշխանություններին Հայաստանի ու Արցախի առջեւ ծառացած մարտահրավերների հաղթահարման գործում ցուցաբերվող աջակցության եւ գորակցության համար:

Իր հերթին նորանշանակ դեսպանը հաստատեց, որ Ֆրանսիան շարունակելու է



տարբեր ոլորտներում բազմակողմանի աջակցություն ցուցաբերել Հայաստանին եւ Հայաստանին եւ ջանքեր գործադրել Արցախին հումանիտար օգնություն եւ անվտանգային երաշխիքներ տրամադրելու ուղղությամբ:

Սեպտեմբերի 14-ին

Հայ կանանց միջազգային միության անդամներին

Ամենայն Հայոց Կաթողիկոսն ընդունեց Հայ կանանց միջազգային միության անդամներին՝ գլխավորությամբ միության ղեկավար Հրանդ Հակոբյանին:

Հանդիպմանը տիկին Հակոբյանը, անդրադառնալով հայ ժողովրդի կյանքում Հայ եկեղեցու կարեւորագույն դերակատարությանը, հայցեց Նորին Սրբության օրհնությունը:

Այնուհետեւ Ամենայն Հայոց Կաթողիկոսն իր հայրական օրհնությունը բերեց

միության անդամներին՝ կարեւորելով հայ կանանց եւ մայրերի դերն ազգային կյանքում՝ հատկապես հետապնդողական այս բարդ ու ծանր շրջանում տիրապետող հուսահատական տրամադրություններին հաղթահարման գործում: Այս առնչությամբ Նորին Սրբությունն ընդգծեց, որ ստեղծված դժվարին իրավիճակը եւ ծառացած հիմնախնդիրները հնարավոր է հաղթահարել համատեղ ջանքերով եւ ազգային միասնականությամբ: ➔ էջ 4



Հայ կանանց միջազգային միության անդամներին

← էջ 3

Իր խոսքում Հայոց Հայրապետը գոհունակությամբ անդրադարձավ Հայ կանանց միջազգային միության օգտաշատ ծառայությանը՝ ուղղված հայ ժողովրդի կյանքում ազգային արժեքների զորացմանը:

Ամենայն Հայոց Կաթողիկոսը նաեւ պատասխանեց միության անդամների հարցերին, որոնք վերաբերում էին Հայ եկեղեցու ծիսաարարողական կյանքին եւ տարբեր ոլորտներում ծավալած գործունեությանը:

Սեպտեմբերի 15-ին

Բուենոս Այրեսի ՀԲԸՄ-ի «Մարի Մանուկյան» վարժարանի սաներին

Ամենայն Հայոց Կաթողիկոսը հյուրընկալեց Բուենոս Այրեսի (Արգենտինա) Հայկական բարեգործական ընդհանուր միության «Մարի Մանուկյան» վարժարանի ավարտական լսարանի սաներին: Վեհափառ Հայրապետը, իր հայրա-

կան օրհնությունը բաշխելով աշակերտներին, ուրախությամբ ընդգծեց, որ գեղեցիկ ավանդույթ է դարձել վարժարանի ավարտական լսարանի սաների այցելությունը Հայաստան եւ Մայր Աթոռ Սուրբ Էջմիածին: Այս առիթով Ամենայն Հայոց Կաթողիկոսն

իր գնահատանքը բերեց ՀԲԸՄ-ի պատասխանատուներին եւ վարժարանի տնօրենությանը՝ նման նախաձեռնության համար:

Նորին Սրբությունը վստահություն հայտնեց, որ Հայաստան այցելությունը կսնի ու կզորացնի հայրենասիրության այն հունդերը, որոնք վարժարանի մանկավարժները սերմանել են սաների սրտերում:

Իր խոսքում Հայոց Հովվապետն անդրադարձավ Հայաստանում ու Արցախում առկա դժվարին կացությանը, Արցախում ստեղծված հումանիտար աղետին՝ ընդգծելով արցախահայության քաջարի եւ անկուն ոգին, որով դիմագրավում են առկա փորձությունները: Հայոց Հայրապետը կարեւորեց նաեւ Սփյուռքի ազգային կառույցների ջանքերը Արցախին օգնելու եւ հայ

կոսը վերհիշեց Արգենտինա կատարած հովվապետական այցելության շրջանակներում իր այցը ազգային կառույցներ եւ կրթական հաստատություններ՝ գնահատելով արգենտինահայ գաղութի կազմակերպվածությունն ու ազգային արժեքների նկատմամբ նախանձախնդրությունը: Այս առնչությամբ Նորին Սրբությունը հորդորեց ուխտավոր հայորդիներին լինել ազգասեր ու եկեղեցամբար, վառ պահել ազգային գիտակցությունն ու ոգին եւ իրենց նպաստը բերել համայնքային կյանքի զորացմանը:

Վերջում Վեհափառ Հայրապետը պատասխանեց սաների հարցերին, որոնք վերաբերում էին արցախյան հակամարտության կարգավորմանն ի նպաստ Հայ



ժողովրդի առջեւ ծառացած մարտահրավերները հաղթահարելու ուղղությամբ: Հանդիպմանն Ամենայն Հայոց Կաթողի-

կեղեցու գործադրած ջանքերին եւ արցախահայության համար իրականացվող մարդասիրական ծրագրերին:



Կատարվեց Հանրառեական մաղթանք Արցախի անկախության տոնի առիթով

Սեպտեմբերի 3-ին Ն. Ս. Ս. Օ. Տ. Տ. Գարեգին երկրորդ Ծայրագույն Պատրիարք եւ Ամենայն Հայոց Կաթողիկոսի հանդիսապետությամբ Սուրբ Գայանե վանքում, հընթացս պատարագի սրբազան արարողության, կատարվեց Հանրապետական մաղթանք Արցախի անկախության տոնի առիթով: Հոգեւորականաց դասն ու հավա-

տացյալ ժողովուրդը միասնական աղոթք բարձրացրեցին առ բարեգութն Աստված՝ Արցախի պետականության եւ ժողովրդի խաղաղ ու անվտանգ կյանքի համար:

Լրատվական նյութերը՝
Մայր Աթոռ Սուրբ Էջմիածնի տեղեկատվական համակարգի



Սուրբ Խաչ կամ Խաչվերացի տուն

«Նա ներեց մեզ մեր բոլոր հանցանքները եւ ոչնչացրեց հրամաններով հաստատված այն պարտամուրհակը, որ մեր դեմ էր, վերացրեց այն մեջտեղից եւ մեխեց խաչափայտին» (Կողոս. Բ 14):

Սուրբ Խաչը կամ Խաչվերացը Հայ Առաքելական Սուրբ Եկեղեցու հինգ տաղավար տոներից վերջինն է, իսկ Խաչին նվիրված տոներից՝ ամենամեծանակալիցը, որովհետեւ նվիրված է գերությունից Խաչի վերադարձի եւ փառաբանումի հիշատակությանը: Խաչվերացը տոնվում է ի հիշատակ Տիրոջ խաչափայտի՝ պարսկական գերությունից դեպի Երուսաղեմ վերադարձի եւ Գողգոթայում կանգնեցման ու վեր բարձրացման (գրաբար՝ «վերացման»):

Սակայն թե ինչու է Սուրբ Խաչն այսքան երկրպագելի ու պաշտելի մեզ՝ քրիստոնյաներիս համար, լավագույնս պարզ է դառնում Խաչի խորհրդի մասին ճանաչողությունից: Խաչի զորությունը Քրիստոնե է, որ միացած եւ բեւեռված է նրա վրա, նյութը փայտն է, ձեւը՝ քառակողմ, իսկ մահապատժի գործիք լինելը մեզ համար կյանքի պատճառ եղավ: Սուրբ Գրիգոր Տաթևացին Խաչի մասին ասում է. «Ուր Խաչն է, այնտեղ են Խաչյալը եւ Խաչելությունը»:

Ճիշտ է՝ Քրիստոսի մահվան պատճառ եղավ ոչ միայն Խաչը, այլեւ մեխերը, որով գամեցին Քրիստոսին, ինչպես նաեւ փշե պսակը, որը եւս վնաս պատճառեց Տիրոջ մարմնին, սակայն մենք հատկապես Խաչին ենք այսպիսի պատիվ ընծայում, որովհետեւ մահվան գործիքներից միայն Խաչն է, որ նմանվում է Խաչյալ Քրիստոսին կամ ձեռքերը տարածյալ Քրիստոսին: Ուրեմն՝ Խաչն իր ձեւով եւ պատկերով մեզ ներկայացնում է Խաչյալ Քրիստոսին եւ կամ Իր ձեռքերը մեզ համար տարածած, մեզ Իր սիրով գիրկը կանցող Քրիստոսին: Համաձայն Տաթևացու՝ «Խաչը առաքյալների քարոզությունն է եւ հայրապետների դավանությունը: Խաչը մարտիրոսների պսակն է եւ նահատակների հաղթանակը: Խաչը թագավորների թագն է եւ իշխանների իշխանությունը: Խաչը անմեղների խրատն է եւ մեղավորների քալիչը: Խաչը Քրիստոսի փառքն է եւ քրիստոնյաների պարծանքը: Խաչը հոգեւոր զենք է եւ չթթացող սուր: Խաչը դժոխքի ավերողն է եւ գերյալների ազատողը: Խաչը գերեզմանների կնիքն է եւ կյանքի հարությունը: Խաչը դրախտի դռներ բացողն է եւ արքայությունը՝ ժառանգություն տվողը: Խաչը Քրիստոսի կարապետն է եւ հարության հրավերը: Խաչը անհավատների կոտորությունն է ու հավատացյալների զորությունը: Խաչը մոլորվածների ճանապարհն է եւ խավարյալների ճառագայթը...»:

Սուրբ Դավիթ Անհաղթն ասում է, որ Խաչը Քրիստոսի ձեւն ունի, Քրիստոսն ամեն պահ նրա վրա է եւ երբեք չի զատվում նրանից: ➔ էջ 5

Սուրբ Խաչ կամ Խաչվերացի տուն



← էջ 4

Իսկ Սուրբ Գրիգոր Նարեկացին իր «Մատյան ողբերգության» պոեմում բացականչում է. «Եւ խաչնվո՛ղ էր, որ անարատ համբերձ հագցրիր Հարսի՛ղ՝ ի սեր Փեսայի՛ղ: Փոքր այս խթանով երկու կէս արիւր վիթխարությունը ապերասանի, եւ ստամբակին ընդդիմանալու կրթության համար՝ ստվար լինձը այս կարգադրեցիր եւ չարախոսի վարարան, վանդո՛ղ կգալի վրա խաչո՛ղ դարձրիր զսպի՛ղ մի կապանք» (Բան ՂԲ):

Աստվածաբանական առումով քառաթեւ խաչի չորս թեւերը մեկնաբանվում են հետեւյալ կերպ: Խաչի վերին մասը ցույց է տալիս երկնային արքայությունը, ստորինը՝ դժոխքի ավերումը, աջը՝ շնորհների բաշխումը, իսկ ձախը՝ մեղքերի թողությունը: Այս ամենից բացի՝ քառաթեւ խաչը խորհրդանշում է նաեւ չորս առաքինությունները,

որոնց վրա պետք է տարածենք մեր ներքին մարդուն. վերին մասը նշանակն է սիրո, ստորինը՝ խոնարհության, աջը՝ հնազանդության, իսկ ձախը՝ համբերության:

Սուրբ Խաչի այս խորհուրդն է, որ իր հովանու ներքո է համախմբում քրիստոնյաներին: Այդ խորհուրդը փայլաբեր էր, որ խաչափայտի գյուտից հետո Հեղինե թագուհին սուրբ Կոստանդիանոս կայսեր հրամանով Գողգոթայի վրա կառուցեց Սուրբ Հարության տաճարը եւ այնտեղ կանգնեցրեց Տիրոջ խաչափայտը: Այդ ժամանակվանից սկսած, Հակոբոս Տյառնեղբոր օրինակով, քահանայապետը բարձրացնում էր Տիրոջ խաչափայտը՝ հավատացյալների պահպանության համար:

Իսկ ահա երբ իր հզորության գագաթնակետին հասած Պարսկաստանի խոսրով Ամբարիշտ թագավորը 610 թվականին կա-

մենում էր իրեն հպատակեցնել Հերակլ կայսերը, մեծ զորք է ուղարկում Հերակլի դեմ: Պարսիկները ներխուժում են Սուրբ Հարության տաճար, բռնագրավում Սուրբ Խաչը եւ տաճարի ոսկյա ու արծաթյա սպասքը, իսկ քաղաքն այրում: Պարսից խոսրով թագավորը խաչափայտը մեծ պատվով պահեց իր գանձարանում եւ խաչի առջեւ մի անշնչե կանթեղ էր մշտապես պահում:

Քրիստոնյաները, զրկվելով իրենց սրբությունից, հայտնվեցին այնպիսի անմխիթար կացության մեջ, ինչպիսին ժամանակին հրեաների վիճակն էր, երբ փղշտացիները գերեվարել էին Աստծու Ուխտի տապանակը: Այնուհետեւ Հերակլ կայսրը, Տիրոջ նախանձախնդրությամբ լցված, աղոթքով ու ծոմապահությամբ դիմեց Աստծու օգնությանը: Արքան քուրձ հագավ, հանեց իր թագն ու թագավորական ծիրանին եւ մոխրի վրա ընկնելով՝ երեք օր շարունակ աղոթեց՝ բարեխոս ունենալով Մարիամ Աստվածածնին: Չորրորդ օրը նա ստացավ աղոթքի պտուղը. տեսիլքով նրան հայտնվեց, որ պետք է հաղթի այդ պատերազմում: Եվ իսկապես, ճակատամարտում Հերակլը հաղթեց, խոսրովը սպանվեց, իսկ նրա բանակի մնացորդը փախուստի դիմեց: Սկզբում Սուրբ Խաչը Պարսկաստանից հանդիսավոր թափոցով փոխադրվում է հայոց Կարին քաղաքը, ապա այնտեղից՝ Կոստանդնուպոլիս, իսկ հետո՝ Երուսաղեմ: Խաչափայտն աննկարագրելիորեն մխիթարում ու ոգեւորում է բարեպաշտ հավատացյալներին: Գերեզարծության ճանապարհին Խաչը գրեթե ամեն տեղ բարձրացվում է եւ ամենուր ցնծություն առաջացնում, ինչը կարծես Քրիստոսի հարության վերապրումն էր: Այս իրադարձություններն էլ պատճառ դարձան Խաչվերացի տոնի հաստատման համար:

Այդ առիթով է Կարմո դաշտի հարավարեւելյան կողմում բարձրացող լեռների մեծ գագաթը Խաչափայտ կոչվում: Այդ լեռան սարահարթի վրա բխում է սառնորակ ջրի

աղբյուր, որն ուխտատեղի է դարձել: Տեղական ավանդությունը պատմում է, որ Խաչը հանձնելուց հետո պարսիկները կրկին փորձում են այն հետ վերցնել: Հայերը, խաչափայտն այնտեղ թողնելով, հետ են մղում պարսկական կողմի հարձակումը եւ երբ վերադառնում են խաչափայտը վերցնելու, տեսնում են, որ Խաչի դրված տեղից վճիտ աղբյուր է բխում: Նույնանուն լեռների ստորոտում կա Խաչկա վանքը, ուր Խաչվերացի սքանչելի տոնի առիթով ժամանակին բազում ուխտավորներ էին այցելում:

Ամփոփելով՝ հիշատակենք Սուրբ Հովհան Ոսկեբերանի խոսքերը, որոնք լավագույնս բնութագրում են քրիստոնյաներիս համար Խաչի ունեցած զորությունն ու նշանակությունը. «Խաչը մեր փրկության նշանն է, Խաչը քրիստոնյաների հույսն է, Խաչը Եկեղեցու հիմքն է, Խաչը սատանայի պարտությունն է, Խաչը որբերի հայրն է, Խաչը ամբարիշտների դատավորն է, Խաչը հիվանդների բժիշկն է, Խաչը օրվա զենքն ու գիշերվա պահպանիչն է, Խաչը ծարավողների աղբյուրն է, Խաչը լույսն է խավարում մատածների եւ ազատագրումը գերվածների, Խաչը անօրենի տապալումն է»:

ԱՆՈՒՆ ՀՈՎԱՍԵՓՅԱՆ

Գեորգ սրկ. Կարապետյան Խաչի Քո Մերը

Քո ջինջ արցունքն իմ խղճին անձրեկի,
խղճին իմ տոչոր, ցամաք, անապատ,
Ու թող որ խիղճն իմ սեր պտղաբերի՝
Խաչի Քո սերը՝ եւ խեղճ, եւ հպարտ:

Մերը Քո Խաչի, որ խեղճության մեջ
Կանգնած է հպարտ՝ հայացքը՝ երկինք՝
Հավիտենություն....
Արցունք սերմանիր իմ սրտում Դու խեղճ,
Որ Խաչն իմ ծաղկի մինչեւ Քո սուրբ գիրկ՝
Մինչ սուրբ Հարություն....:

Սկիզբը՝ թիվ 16

Հափազանք բարձր էր գնահատում Սուրբ Գրիգորը նաեւ «Ժամանակակից մանկավարժության հայրը»՝ Պետալուցին (1746—1827): Իր հաստատության 1807 թ. ուսումնական տարվան նվիրված զեկույցներից մեկում նա հետեւյալ խոսքերով է արտահայտվում Աստվածաշնչի դաստիարակչական նշանակության մասին. «Բոլոր բարձր դասարանների սաները շաբաթական երկու անգամ էին կրոն ուսանում: Իբրեւ ձեռնարկ ծառայում էին Մովսեսի սրբազան գրքերը, որոնցում շարադրված էր մարդկության կրոնական զարգացման ընթացքը եւ նրանց վրա խարսխված Հիսուս Քրիստոսի սուրբ վարդապետությունը (այնպես, ինչպես Իր իսկ կողմից ներկայացված է Ավետարանում): Պարտականությունների մասին վարդապետության հիմքում մենք դրել ենք Հիսուսի Լեռան քարոզը, իսկ հավատքի վարդապետության հիմքում՝ առավելապես Հովհաննեսի Ավետարանը: Այս ամենն ընթերցվում էր մեկը մյուսի հետ փոխադարձ կապակցության մեջ. Քրիստոսի հավիտենական ճշմարտություններն Աստծո, Իր, իբրեւ մարմնացյալ Աստծո, առ Աստված մարդկության հարաբերության, Աստծո հետ կյանքի մասին, այս ամենը, հասկանալի է, որ յուրացվում էին: Մենք ձգտում ենք Քրիստոսի օրինակով, Նրա՝ իրերը, մարդկանց, նրանց հարաբերությունները հայելու եղանակով, երեխաների մեջ ակնառու կերպով կենդանացնել կրոնի աներկբա էության վրա հիմնված հավատքի, հույսի եւ սիրո զգացումները, դրանք սովորություն դարձնել եւ զարգացնելով վսեմացնել նրանց միտքն ու գործերն այն աստիճան, որ նրանց մեջ ի հայտ գա ինքը Աստվածությունը»:

Ըստ ռուս ականավոր մանկավարժ Կ. Դ. Ուշինսկու (1824—1870)՝ միայն ավետարանում է բացահայտված մարդու կյանքի ճշմարիտ նպատակը. «Մարդու կյանքի ճշմարիտ նպատակն պետք է ճանաչվի միայն այն, ինչն առավելագույնս համապա-



Աստվածաշունչը՝ դաստիարակության անկյունաքար

տասխանում է նրա հոգում... Մենք ոչ մի տեղ չենք հանդիպում մարդու հոգու եւ նրա բնատուր հատկությունների այնպիսի խորունկ ըմբռման, ինչպիսին քրիստոնեության մեջ է: Աշխարհի դժգոհըն է այդքան խոր հոգեբանություն, մարդկանց այդքան խոր ճանաչողություն պարունակում, որքան Ավետարանը»:

Ուշինսկին համոզված էր, որ Ավետարանն օժտված է հոգեւոր ընկալման զարմանահրաշ մատչելիությամբ ոչ միայն մեծերի, այլեւ փոքրերի համար. «Ավետարանը ներգործում է տասնամյա երեխայի վրա, այդ բանը եւ ամենամեծ զգացել են ինձ եւ երեխաների վրա»:

Ողջ Ռուսաստանում հռչակ վայելող քրիստոնյա մանկավարժ եւ ժողովրդա-

կան կրթության բնագավառի ականավոր գործիչ, բուսաբանության դոկտոր Ս. Ա. Ռաշինսկին (1833—1902) Սաղմոսարանի մասին հետեւյալն է գրում. «Սաղմոսարանը բոլոր դարերի եւ ժողովուրդների քնարերգության գլուխգործոցն է: Նրա բովանդակությունն ամբողջական է ու հավիտենական: Դա Աստծո մեծության ու ողորմածության հարատեւ հայեցողությունն է, սրտի խոյանքը բարոյական վսեմության ու մաքրության հանդեպ, խորին մորմոքը մարդկային կամքի անկատարության համար, անսասան հավատը Աստծո օգնությանը չարը հաղթելու հնարավորության նկատմամբ: Բոլոր այս թեմաները մշտապես հնչում են միաժամանակ՝ սքանչելի բազմաբանության զուգորդումներով, անս-

պառ գեղեցկության, ուժի եւ նրբության դարձվածքներով...»:

Հռչակավոր մանկավարժ եւ գրող Վ. Պ. Օստրոգորսկին (1840—1902) պատանիների ընթերցանության համար նախատեսված գրքերի շարքում ամենից առաջնային տեղը հատկացնում է Ավետարանին: «Իմ ընթերցած բոլոր գրքերի մեջ,— գրում է նա,— ես ամենավերելուս կգետեղեի Ավետարանը, որը մեզանում, անկեղծ ասած, հազվադեպ են իմքնուրույն ընթերցում հոժարությամբ եւ էլ ավելի քիչ՝ խիորդածում նրա շուրջ: Ավետարանը միայն հեղության, սիրո եւ մարդասիրության մասին իր վարդապետության անձեռնմխելի անաղարտությամբ արդեն իսկ կարող է ընկալունակ հոգում ճիշտ վերաբերմունք հաստատել առ Աստված»:

Աստվածաշնչի հսկայական դաստիարակչական դերի մասին խոստովանում է նաեւ մեր օրերում մանկավարժ եւ փորձառական հոգեբանության առաջնակարգ գիտակի համբավ վայելող Ստեփան Դոլլը՝ Մասաչուսեթս նահանգի Ուորչեստերի համալսարանի նախագահը:


«Աստվածաշունչը,— գրում է ամերիկացի գիտնականը,— պետք է ընդունել ոչ միայն որպես մարդու հոգեբանության մեծ ձեռնարկ, այլեւ գրադարան, որի արժանիքներն արդարացնում են նրա վսեմ անունը: Այն զարմանալիորեն հարմարեցված է մարդու բոլոր տարիքներին. Հիմ Կտակարանի առաջին մասերը երեխաների համար են, մարգարեություններն ու Նոր Կտակարանը իր սիրո մեծ ավետումով՝ պատանեկության համար: Սուրբ Գրքից անտեղյակների բանակի օրավոր համարյալ ողորմող պարզապես ապշեցուցիչ է, մանավանդ եթե նկատի ունենանք այն փաստը, որ նրա եւ գրական ձեւը, եւ բովանդակությունը ավելի, քան որեւէ այլ բան, համապատասխանում են պատանեկության խառնվածքին ու պահանջներին»:

Նյութը պատրաստեց
ԳՐԻԳՈՐ ԴԱՐԲԻՆՅԱՆԸ

2015 թ. Շուշիի շրջանի Քարինտակ գյուղի հարավ-արեւմուտքում գտնվող քարայրում, որի մակերեսային շերտերը 50–60 հազար տարվա վաղեմություն ունեն, հայտնաբերված գտածոն ո՛չ նախամարդու գործիք էր, ո՛չ էլ սեպագիր արձանագրություն: Դա մի ատամ էր, որը պատկանել է էմելիթի ժամանակաշրջանում ապրած մարդուն: Ատամը 6,5 հազար տարեկան է, սակայն գտածոյի իրական առաքելությունն ավելի լուրջ է, քանի որ նման մոուլները սովորաբար տալիս են հնէաբանական ու հնագիտական արժեքավոր տեղեկություններ, սակայն այս ատամը պետք է պատասխան տար մի շատ կարեւոր հարցի. ո՞վ է եղել այն մարդը, որը 6500 տարի առաջ ապրել է այժմյան Արցախի տարածքում: Ատամի մեջ ԴՆԹ-ն կարող է պահպանվել դարերով: Ուստի հայտնաբերված ատամի ԴՆԹ ուղաւեցվածքը պարզելու համար գտածոն ուղարկվում է Կոպենհագենի գենետիկայի համալսարան, որտեղ էլ գիտնականների կատարած բազում ուսումնասիրությունները պարզում են, որ ատամի ԴՆԹ գենը հենց այն մույն գենն է, որն ունի ժամանակակից հայ մարդը: Այս փաստը վերստին ապացուցում է, որ հայերն այս տարածաշրջանի բնիկներն են՝ Հայկական լեռնաշխարհի հնաբնակները:

Կարկառ գետի Քարինտակ վտակի ձախ ափին՝ անդնդախոր կիրճի զառիթափ քարաժայռի ստորոտում է գտնվում Շուշիի շրջանի չքնաղ Քարինտակ գյուղը: Արեւելքից Կապասարը, արեւմուտքից Կարմրաքարը եւ Տիգրանի ժայռերը, իսկ հյուսիսից Շուշիի ժայռապարիսպը, որին տեղացիները Քերծ են անվանում, օղակել են գյուղը: Շուշիից 5 կմ, իսկ Ստեփանակերտից 18 կմ հեռավորության վրա է գտնվում Քարինտակը, ծովի մակերեսից 1300–1400 մ բարձրության վրա:

Քարինտակ գյուղը 1700-ական թվականների առաջին քառորդում հիմնադրել են խճաբերդ եւ Հին Թաղեր գյուղերից տեղահանված գերդաստանները: Խճաբերդից տեղափոխվածներն իրենց հետ Քարինտակ են «երել» նաեւ խճաբերդի բարբառը: Ըստ հին ավանդության՝ խճաբերդ գյուղն ուներ 600–700 ծովա: Խճաբերդի բնակիչները քաջ ու անվախ արցախցիներ էին, որ գեմքի ուժով պաշտպանում էին իրենց հայրենի գյուղը: Նրանք հրաժարվում են ալեանյու ցեղի քուրդ ցեղապետին հարկ վճարելուց, որը բազմիցս հարձակվում էր գյուղի վրա, բայց ամեն անգամ անկոտրում գյուղացիները միավորվում ու հետ էին շարտում հայրենի գյուղը գրավել փորձող արյունարբու քոչվորին: Վերջինս տեսնելով, որ չի կարող գեմքի ուժով ծնկի բերել, դիմում է քոչվորների համար սովորական դարձած ստոր միջոցի: Հյուրասիրության պատրվակով հրավիրում է գյուղի երեւելիներին ու թունավորում նրանց: Հետո, օգտվելով պատեհ պահից, հարձակվում է գյուղի վրա եւ գեմքի ուժով փորձում հնազանդեցնել խճաբերդցիներին: Սակայն այս անգամ էլ խայտառակ պարտություն է կրում եւ փորձում է դիմել մեկ այլ խարդավանքի: Հոգետր տոներից մեկի ժամանակ, երբ գյուղացիները հավաքվել էին եկեղե-



Քարինտակ

ցում, քուրդ ցեղապետը հարձակվում եւ սրախողխող է ամուսն եկեղեցում ներկա ամբեն գյուղացիներին: Սպանող տեսում է երեք օր: Խճաբերդի կողքով հոսող գետն արյունով է ներկվում, եւ այդ օրվանից այն կոչում են Հարամ (կեղտոտ) անունով: Գյուղն ամայանում է, իսկ բնակիչները տեղահանվում են եւ հաստատվում հիմնականում Շուշիի ժայռի ստորոտում՝ հիմնելով մի նոր բնակավայր՝ Քարինտակ անունով:

Թեւեւ փոխում են բնակության վայրը, բայց թաթարական ու քրդական ցեղերի ասպատակություններից գերծ չեն մնում: Քոչվորները նորից շարունակում են Քարինտակում իրենց ավերն ու ավարը: Գյուղի բնակչությունն էլ ամեն անգամ ստիպված էր իր հողն ու կյանքը պաշտպանելու համար գեմք վերցնել:

Քարինտակ գյուղի մարտիկներն առանձնակի քաջագործություններով աչքի են ընկել 1826–1828 թթ. ռուս-պարսկական պատերազմի տարիներին: Շուշիի ու Քարինտակի քաջերը Սաֆար հարյուրապետի գլխավորությամբ անապատի հարձակվում ու անընդմեջ լարվածության մեջ էին պահում Աբբաս Միրզայի ջոկատներին:

1905–1906 թթ. հայ-թաթարական ընդհարումների ժամանակ Քարինտակը մույնպես ենթարկվում է թաթարական ավազակախմբերի հարձակումներին: Ամեն անգամ, երբ թուրքերը քրդերի հետ փորձում էին ներխուժել Շուշի, այդ ժամանակ օգնության էին հասնում Քարինտակի ջոկատները, եւ թշնամին, տեսնելով այդ ուժը, փոխում էր հարվածի ուղղությունը:

Մամնայի ճակատամարտը, որը հայկական ուժերի համախմբվածության եւ ինքնակազմակերպման վառ ու փայլուն օրինակ է, Արցախի ազգային-ազատագրական պայքարի կարեւորագույն ու վճռորոշ հաղթանակներից մեկն է: Պատմաբանների վկայությամբ՝ Մամնայի ճակատամարտը մույն մշանակությունն ունի արցախցիներ-

րի համար, ինչ Սարդարապատի ճակատամարտը՝ համայն հայ ժողովրդի: Ահա այստեղ էլ՝ Մամնայի ճակատամարտում, առավել աչքի է ընկել քարինտակցիների ջոկատը, երբ շուրջ 120 հայ կամավորականները ջախջախել են 400 հոգուց բաղկացած եւ լավ զինված թուրքական բանակը՝ դրանով կասեցնելով թուրքերի մուտքը Արցախ:

1988 թ. իրավիճակը Լեռնային Ղարաբաղում լարված էր: Բերդաքաղաք Շուշին լիովին հայաթափվել էր: Խորհրդային բանակի զինվորականները, անձնագրային ռեժիմի ստուգման պատրվակով, ադրբեջանական ՕՍՕՆ-ի ուղեկցությամբ մտնում էին Քարինտակ, խուզարկում տներն ու կողոպտում գյուղացիներին: Պայթեցնում եւ դեպի գյուղն էին գլորում հսկայական ժայռաբեկորները, որոնք ավերում էին տներն ու ահաբեկում գյուղացիներին: Պայթուցիկ նյութերով լցված հսկայական անվադողերը գլորում էին գյուղի վրա: Այնուհետեւ սկսվում են տղամարդկանց ձերբակալությունները: Քարինտակի ինքնապաշտպանությունը հետագայում փայլուն հաղթանակ է պարգևում Շուշիում:

Քարինտակի ինքնապաշտպանությունը տեղի է ունեցել 1992 թ. հունվարի 26-ին: Ադրբեջանական զորամիավորումը ղեկավարում էր անձամբ Ադրբեջանի պաշտպանության մարտար Մեհտիլը: Քարինտակցիներին օգնության են հասնում Դուշման Վարդանի եւ Ա. Ղուլյանի ջոկատները, Ավետարանոց, Շոշ, Սղմախ եւ մոտակա բնակավայրերի ինքնապաշտպանական ուժերը, որոնց ջանքերով հակառակորդը հետ է շարտվում՝ թողնելով 100-ից ավելի սպանված ու վիրավոր: Քարինտակի խայտառակ պարտությունից հետո Ադրբեջանի հետխորհրդային առաջին նախագահ Մուսալիբովը պաշտոնաձև է ամուսն Մեհտիլին եւ կարգադրում բանտարկել՝ դավաճանության մեղադրանքով:

Քարինտակ գյուղի ինքնապաշտպանությունն Արցախյան ազատամարտի փայլուն էջերից է, որն ապացուցեց, որ իր ազատության համար ընդվզող ժողովուրդն իր պապերից ժառանգած հողից մի թիզ անգամ զիջելու մտադրություն չունի: Հերոսապատում, որ ապրելու է առհավետ՝ որպես հիշեցում ճշմարիտ հայկական ոգու, տոկունության, արիության եւ հայրենի հողին նվիրվածության:

Քարինտակ գյուղում շատ են պատմամշակութային հուշարձանները՝ 1862 թ. կառուցված Սուրբ Աստվածածին եկեղեցին, հին շինատեղերը, Ժժ դարի գերեզմանոցը, Ժժ դ. աղբյուրը, Ժժ ջրաղացները, ԺԳ դարի խաչքարերը: Գյուղը շրջապատված է մի քանի քարայրներով, որոնք հնում ունեցել են անառիկ բերդի եւ պաշտպանական նշանակություն: Քարինտակը բազմիցս հիշատակվում է որպես մշանավոր գրչության կենտրոն:

Քարինտակ գյուղի վերին թաղամասում է գտնվում 1841 թ. կառուցված (ըստ արձանագրության) Սուրբ Աստվածածին եկեղեցին: 2020 թ. 44-օրյա պատերազմից հետո համացանցում հայտնվեց մի տեսանյութ, որտեղ հստակ երևում է, որ ադրբեջանցի զինվորականները ներսուղուս են ամուսն Սուրբ Աստվածածին եկեղեցում, բարձրանում խորանի վրա, անարգում ու պղծում են այն: Տեսանյութում երևում է նաեւ, որ եկեղեցու խորանը կիսված է: Ադրբեջանական զինված ուժերը առանձնակի վայրագություններ են ցուցաբերում Արցախյան ազատամարտին նվիրված հուշարձանների նկատմամբ, եւ բացառություն չէր նաեւ Քարինտակի՝ 1991–1994 թթ. Արցախյան ազատամարտին նվիրված հուշարձանը, որը նրանք պղծել են: Քանի որ Քարինտակ գյուղով է անցնում Ադրբեջանից Շուշի տանող ճանապարհը, գյուղը ներկայումս ավերակ է:

Համաձայն զինված հակամարտությունների ժամանակ մշակութային արժեքների պաշտպանության մասին 1954 թ. Հաագայի կոնվենցիայի 4-րդ հոդվածի՝ արգելված է մշակութային ժառանգության հանդեպ վանդալիզմի, գողության, կողոպուտի, յուրացման, թշնամանքի եւ հաշվեհարդարի ցանկացած գործողություն: Ըստ Հաագայի 1954 թ. առաջին արձանագրության՝ արգելված է գրավյալ տարածքներում ոչնչացնել մշակութային կամ հոգետր արժեքները: Հաագայի 1999 թ. երկրորդ արձանագրությունը վերահաստատում է այս պահանջը եւ այսպիսի արարքը՝ ըստ 15-րդ հոդվածի, որակում որպես միջազգային հանցագործություն: Մշակութային արժեքների ոչնչացման գործողություններն արգելվում են նաեւ ԺճԵԿ 1949 թ. օգոստոսի 12-ի՝ պատերազմից տուժածների պաշտպանության, պատերազմի օրենքների եւ սովորույթների վերաբերյալ միջազգային 4 կոնվենցիաների եւ արձանագրությունների, ինչպես նաեւ ՄԱԿ-ի համապատասխան բանաձեւերի եւ մարդու իրավունքների պաշտպանության պայմանագրերի դրույթներով:

Հասնիկ ՄԱՊՈՅԱՆ



ՅԱԿՈԲ ՊԱՏՐԻԱՐԺ ՆԱԼԵԱՆ

ՔՐԻՍՏՈՆԷԱԿԱՆ ՈՒՍԱՆԵԼԻ

Սկիզբը՝ թիւ 9–16

Հաւատքի աստիճաններում մեկնութիւնը

Տասնմէկերորդ հարցում. *խոհեմութեան մասին, որ բարոյական առաջին առաքինութիւնն է:*

Խոհեմութիւնն առաքինութիւն է, որով չարն ու բարին իրարմէ կը զանազանենք, լաւն ու վատը կ'ընտրենք, ժամանակը բարեպէս կ'օգտագործենք՝ անցեալին մասին մտածելով, ներկան իմանալով ու ապագայէն զգուշանալով: Մենք այս խոհեմութիւնը մեղուներէն կը սորվինք, որոնք թէւ բազմաթիւ ծաղիկներու վրայ կը մտնին, սակայն միայն պիտանին կը հաւաքեն ու մեղր

կը շինեն: Այսպէս ալ մարդը պէտք է խօսքերէն ընտրէ լաւն ու վատը, որովհետեւ ինչպէս ուտելիքին լաւը կ'ընտրենք, այդպէս ալ խօսքերուն լաւը պէտք է ընտրենք:

Դարձեալ՝ մրջիւնն ալ մեզի խոհեմութիւն կը սորվեցնէ, որ միջատ մըն է. ամռան ձմեռուան կերակուրը կը հաւաքէ որպէսզի սովամահ չըլլայ, իսկ եթէ հաւաքածը խոնամայ, արեւին կը հաւնէ, կը չորցնէ ու դարձեալ ներս կը տանի. եւ որպէսզի ցորենը յանկարծ չբուսնի, մէջտեղէն երկու կտոր կ'ընէ. տակաւին, խոհեմութեամբ անձրեւը դիտելով՝ ամմիջապէս դէպի իր բոյն կը վազէ ու ներս կը մտնէ:

Օձն ալ մեզի խոհեմութիւն կը սորվեցնէ, որ տարին մէկ անգամ իր շապիկը կը մերկանայ՝ յօրինակ խոստովանութեան. եթէ

թշնամիի պատահի, ամբողջ անձով դէմ կու տայ վիրաւորելու ու զարմելու, միաժամանակ կը ջանայ գլուխը պահել, քանի որ գիտէ՝ եթէ գլուխը ջախջախիկ, ինք կը մեռնի: Այսպէս պէտք է ընէ նաեւ քրիստոնէայ մարդը. ամէն բան պէտք է տայ պատահած ժամուն, եւ հաւատքը, որ բոլոր բարիքներուն գլուխն է, չտայ ու չուրանայ:

Խոհեմութեան գործ են ուրիշները չխաբելն ու ուրիշներէն չխաբուիլը. այդ պատճառով Քրիստոս ըսաւ, թէ՝ *օձերու նման խորագետ եղէք, եւ միամիտ՝ աղաւնիներու նման*, որպէսզի ուրիշները չխաբէք:

Խոհեմութիւնն ըմբռնողութիւն է՝ մարդուն յատուկ բարութիւն:

Ով որ խոհեմ ըլլայ, կատարեալ իմաստուն է: ➔ *էջ 8*

ԴԻՄԻՏՐԻ ԼԻՍԱՅՈՎ ՆԱՄԱԿՆԵՐ ԲԱՐՈՒ ՄԱՍԻՆ

Սկզբը՝ 2022, թիվ 19 — 2023, թիվ 10, 15—16



Նամակ երեսուհիներորդ

ՌՈՒՍԱՍՏԱՆԻ ԲՆՈՒԹՅՈՒՆԸ ԵՎ ՊՈՒՇԿԻՆԸ

Կլոդ Լորրեն: Իսկ ի՞նչ գործ ունեն այստեղ, կհարցնեք, ռուսական բնավորությունն ու ռուսական բնությունը:

Մի քիչ համբերեք, եւ բոլոր թելերը վերստին կմիանան:

Մեզանում պարզունակ պատկերացում ունեն այգի-պուրակային արվեստի պատմության մասին. կանոնավոր այգի, բնապատկերային այգի. այգու երկրորդ տեսակը կտրուկ փոխարինում է առաջինի մոտավորապես ԺԸ դարի 70-ական թվականներին՝ Ռուսոյի գաղափարներով պայմանավորված, իսկ մինչպետրոսյան Ռուսիայում իբր թե եղել են միայն օգտապաշտական այգիներ. դրանցում աճեցվել են մրգեր, բանջարեղեն ու հատապտուղներ: Ահա եւ ամենը: Այնինչ, իրականում այգի-պուրակային արվեստի պատմությունը շատ ավելի բարդ է:

«Ասք Ռուսական հողի կործանման մասին» ԺԳ դարի գրվածքում Ռուսիան հրաշալիորեն զարմացրած ամենամշակվոր գեղեցկությունների թվում հիշատակվում են վանական այգիները: Ռուսաստանում վանական այգիները հիմնականում նույնն էին, ինչ Արեւմուտքում: Դրանք գտնվում էին վանքի պարսպի ներսում եւ ինքնին երկրային դրախտի պատկերն էին, իսկ վանքի պարսպը՝ դրախտի պարսպի: Դրախտի այգում պետք է լինեին նաեւ դրախտային ծառեր՝ խնձորենիներ կամ խաղողի վազեր (տարբեր ժամանակներում «բարու եւ չարի գիտության դրախտային ծառի» տեսակը տարբեր էր ընկալվում), ամեն բան դրանցում՝ աչքի, լսելիքի (թռչունների դայլալ, ջրի կարկաչ, արծազանք), հոտառության (ծաղիկների ու անուշահոտ խոտերի բույր) եւ համի (հազվագյուտ պտուղներ) համար պետք է գեղեցիկ լիներ: Դրանցում պետք է ամեն ինչի առատություն եւ մեծ բազմազանություն լիներ՝ աշխարհի հարստությունն ու բազմազանությունը խորհրդանշող: Այգիներն ունեին իրենց իմաստաբանությունը, իրենց նշանակությունը: Վանքերից դուրս կային սրբազան պուրակներ՝ մասամբ պահպանված դեռեւս հեթանոսական ժամանակներից, սակայն ինչ-որ մի սրբապատկերի հայտնությամբ կամ եկեղեցական այլ հրաշքով օրհնված ու «քրիստոնեացված»:

Խիստ սակավ տեղեկություններ ունենք մինչ ԺԵ դարի ռուսական այգիների մասին, սակայն մի բան պարզ է, որ «դրախտային այգիներ» եղել են ոչ միայն վանքերում, այլ նաեւ իշխանների քաղաքամերձ գյուղերում: Քաղաքային շինությունների ողջ մեղվածքով հանդերձ՝ միջնադարսպի ներսում այգիներ ունեցել են նաեւ քաղաքացիները: ԺԵ դարի ռուսական այգիների վերաբերյալ այն բազմաթիվ նյութերը, որոնք պատմաբան Ի. Ջաբելինը հրատարակել է ԺԹ դարում, սակայն չի կարողացել արվեստագիտորեն ըմբռնել, հստակորեն վկայում են, որ ԺԵ դարի կեսերից մեզանում՝ Մոսկվայում, այգեգործություն է ներթափանցել հուլանդական բարոկկոյի ոճը:

Մոսկովյան Կրեմլի այգիները տարբեր մակարդակներով բաժանված էին սանդղապատշգամբներով, ինչպես պահանջում էր հուլանդական ճաշակը, առանձնացված էին որմնով, զարդարված տաղավարներով եւ տնակներով: Այգիներում կառուցվում էին արհեստական լճակներ՝ կապարե հսկայական ավազանների մեջ՝ նույնպես տարբեր մակարդակներում: Լճակներում լողում էին զվարճալի նավատորմեր, արկղերում բուծվում էին հազվագյուտ բույսեր (մասնավորապես՝ աստրախանյան խաղող), մետաքսե հսկայական վանդակներում երգում էին տխրակներ եւ լորեր (վերջիններին երգեցողությունը զմահատվում էր սոխակներին հավասար), աճում՝ անուշաբույր խոտեր եւ ծաղիկներ, մասնավորապես՝ սիրված հուլանդական կակաչները (որոնց կոճղեզների գինը հատկապես բարձրացավ հենց ԺԵ դարի կեսերին), փորձում էին թութակներ պահել եւ այլն:

Մոսկվայի բարոկկոյան այգիները տարբերվում էին վերածննդյաններից իրենց հեզմական բնությամբ: Դրանք,

ինչպես եւ հուլանդական այգիները, ձգտում էին կահավորել գեղատեսիլ նկարներով՝ պատրանքային հեռապատկերներով (ֆր.՝ trompe-l'œil), առանձնացման վայրերով եւ այլն:

Այս ամենը հետագայում Պետրոսն սկսեց կառուցել նաեւ Պետերբուրգում: Միայն թե պետրոսյան այգիներում ավելացան արձանները, որոնցից Մոսկվայում վախճանում էին «զաղափարական» նկատառումներով. դրանք ընկալում էին որպես կուռքեր: Ավելացան նաեւ առանձնարանները՝ տարբեր տեսակների եւ զանազան մատակների համար:

Ռոկոկոյի միտում ունեցող հենց այդպիսի հեզմական այգիներ սկսեցին կառուցվել Ցարսկոյե Սելյոյում: Եկատերինյան ապարանքի պարտեզային ճակատի դիմաց գցվեց Զոլանդական այգին, եւ իր այդ անունը՝ Զոլանդական, պահպանում էր դեռեւս Ի դարասկզբին: Դա ոչ միայն այգու անվանումն էր, այլեւ նրա տեսակի սահմանում: Այն առանձնանալու եւ բազմազանության այգի էր՝ հուլանդական բարոկկոյի այգի, իսկ հետո նաեւ ռոկոկոյի՝ ուրախ կատակի եւ առանձնանալու, բայց ոչ փիլիսոփայական, այլ սիրային, միտումով: Շուտով Զոլանդական այգին՝ ռոկոկոյի այգին, շրջապատվեց ընդարձակ նախառնամանիզմյան պուրակով, որտեղ «այգու զաղափարախոսությունը» կրկին լրջություն ձեռք բերեց, որտեղ զգալի բաժինն արդեն պատկանում էր հիշողություններին՝ հերոսական, պատմական եւ զուտ անձնական, որտեղ իր գոյության իրավունքն ստացավ զգայունությունը (sensitivity of gardens), եւ վերականգնվեց այգիներից վտարված բարոկկոն կամ դրանցում ծաղրանմանակված լուրջ խորհրդածելը:

Եթե ռուսական այգի-պուրակային արվեստի ոլորտի խիստ հակիրճ դիտարկումից դառնանք Պուշկինի լիցեյական քնարերգությանը, ապա դրանում կգտնենք ռոկոկոյի եւ նախառնամանիզմի շրջանի այգիների ողջ իմաստաբանությունը: Պուշկինն իր լիցեյական բանաստեղծություններում զարգացնում է իր «հեզմական վանականության» («—Օ՛, Նատալիա, / Ես ճգնավոր եմ, իմացիր...», թարգմ.՝ Վ. Դավթյանի), պարտեզային մեկուսիության թեման՝ սիրային եւ ընկերների հետ: Պուշկինի համար լիցեյը մի տեսակ վանք էր, իսկ իր սենյակը՝ խուց: Դա փոքր-ինչ լուրջ էր, եւ փոքր-ինչ հեզմական երանգ ուներ: Ինքը՝ Պուշկինը, իր լիցեյական բանաստեղծություններում հանդես է գալիս որպես վանական կանոնների խախտող (խնջույքներ եւ սիրային զվարճանքներ): Այս թեմաները հարգանքի տուրք են ռոկոկոյին: Սակայն տուրք է տրվում նաեւ նախառնամանիզմի այգիներին՝ նրա հռչակավոր «Զիշողություններ Ցարսկոյե Սելյոյում» բանաստեղծությունը, որտեղ «հիշողությունները» ռուսական հաղթանակների հուշարձաններն են, եւ որտեղ հանդիպում են օսիսմական մոտիվներ (ժայռեր, մամուռներ, «ճերմակահեր ալիքներ», որոնք իրականում Ցարսկոյեի Մեծ լճում չեն էլ եղել):

Պուշկինը ռուսական բնությունը հայտնագործեց Միխայլովսկոյեում: Միխայլովսկոյեի եւ Տրիգորսկոյեի այն վայրերն են, որտեղ Պուշկինը բացահայտել է ռուսական պարզ բնապատկերը: Ահա թե ինչու Միխայլովսկոյեի ու Տրիգորսկոյեի տուրք են յուրաքանչյուր ռուս մարդու համար:

Պուշկինսկիե Գոռի ավանի բնությունը ծառայում է որպես Պուշկինի բազմաթիվ բանաստեղծությունների, «Եվ գեմի Օմեգին»-ի առանձին գլուխների մեկնաբանություն, սրբազանված եւ Պուշկինի՝ այստեղ ունեցած իր ընկերների, ծանոթների, իր Արիմա Ռոդոնովնայի, գյուղացիների հետ հանդիպումներով: Այստեղ ամեն անկյունում Պուշկինի մասին հիշողություններն են ապրում: Պուշկինը եւ այս վայրերի բնությունը բարեկամական միասնությամբ այստեղ ստեղծել են նոր պոեզիա, նոր վերաբերմունք՝ աշխարհի, մարդու նկատմամբ: Պետք է հատուկ ուշադրությամբ պահպանենք Միխայլովսկոյեի ու Տրիգորսկոյեի բնությունը՝ բոլոր ծառերով, անտառներով, լճերով, Սորոտ գետով հանդերձ, քանզի այստեղ, կրկնում են, տեղի է ունեցել ռուսական բնության բանաստեղծական հայտնագործումը: Այստեղի յուրաքանչյուր ծառ արժանի է, որ իր ճակատագիրը գիտխորհրդում քննարկման դրվի:

Պուշկինը բնությամբ հանդես էր բանաստեղծական վերաբերմունքով՝ ռոկոկոյ ոճով հուլանդական այգուց եւ նախառնամանիզմի ոճով Եկատերինյան այգուց անցնում է կատարում դեպի Միխայլովսկոյեի եւ Տրիգորսկոյեի զուտ ռուսական բնապատկերը՝ ոչ մի պարտեզապարսպով չըջապատված եւ ռուսական ձեռով բնակահարմարեցված, խնամված, «գուրգորված» պսկովցիների ձեռամբ՝ սկսած իշխանուհի Օլգայի կամ նույնիսկ էլ ավելի վաղ ժամանակներից, այսինքն՝ մի ամբողջ հազար տարի: Եւ պատահական չէ, որ հենց ռուսական «պատմական» բնության այս

տիրություն (իսկ պատմությունը ռուսական բնության հիմնական բաղադրիչն է) ծնվեցին Պուշկինի պատմական ստեղծագործությունները, եւ առաջին հերթին՝ «Բորիս Գոռունովը»:

Ցանկանում եմ մի մեծ եւ պատմականորեն ընդարձակ համանմանություն բերել: Պալատի մոտակայքում միշտ եղել են քիչ թե շատ ընդարձակ կանոնավոր այգիներ: Ծարտարապետությունը բնության հետ կապվում էր այգու ճարտարապետական մասի միջոցով: Այդպես էր եւ այն ժամանակներում, երբ ռոմանտիկ բնատեսարանային այգիները նորաձեւ դարձան: Այդպիսին էր Պավելի ժամանակ եւ ԺԹ դարի ազնվական դաստակերտներում, մասնավորապես՝ հռչակավոր մերձմոսկովյաններում: Որքան հեռու պալատից, այնքան ավելի անաղարտ բնություն: Նույնիսկ Վերածննդի դարաշրջանում Խոպիայում վերածննդյան ճարտարապետական այգիների սահմաններից դուրս գոյություն ուներ սեփականատիրոջ կալված-



քի բնական մասը՝ նախատեսված զբոսանքների համար. հռոմեական Կամպանիայի բնությունը: Որքան մարդու համար զբոսանքի երթուղիները երկարում էին, որքան ավելի էր հեռանում իր տնից, այնքան նրա համար ավելի էր բացվում հայրենի երկրի բնությունը, այնքան ավելի ազատ եւ մոտիկ էր դառնում տանը՝ նրա այգիների բնական, բնապատկերային մասին: Պուշկինն սկզբում բնությունը բացահայտեց Ցարսկոյե Սելյոյի այգիներում՝ պալատի եւ լիցեյի մոտակայքում, բայց հետո դուրս եկավ «խնամված բնության» սահմաններից: Նա լիցեյի կանոնավոր այգուց տեղափոխվեց դրա պուրակային հատվածը, իսկ հետո՝ ռուսական գյուղը: Այդպիսին է Պուշկինի պոեզիայի բնապատկերային երթուղին: Այգուց դեպի պուրակ, իսկ պուրակից՝ ռուսական գյուղական բնություն: Համապատասխանաբար աճում էր նրա՝ բնության եւ ազգային, եւ հասարակական տեսլականը: Նա տեսավ, որ բնությունը ոչ միայն գեղեցիկ է, այլ նաեւ ամենեւին հովվերգական չէ:

«Գյուղը» (1819 թ.) բանաստեղծությունը հստակորեն բաժանված է երկու մասի:

Առաջինում Պուշկինը նկարագրում է Միխայլովսկոյեի ռուսական բնությունը՝ իր լիցեյական բանաստեղծությունների ոգով՝ ընդգծելով հանգիստը, առանձնությունը, «անհոգ պարսպությանը, որ խոհերին է միշտ ընկեր», իսկ երկրորդում սարսափում է հասարակական անարդարությունից, որը տիրում է այստեղ՝ «առանձնության գրկում վեճմագին»:

Բայց ահավոր մի միտք այստեղ տանջում է իմ հոգին.

Ծաղկած այս արտերում ու լեռներում

Տեսնում է իմաստունը տրտմագին

Չորս կողմ մահվան չափ ծանր, ամոթալի տգիտություն:

Չտեսնելով արցունքը, խուլ՝ դեպի հառաչ:

Եւ ընտրված բախտից իբրեւ պատիժ մարդկանց համար՝

Այստեղ աղան է վայրենի, անգութ եւ քրմահաճ,

Փայտի ուժով հափշտակում եւ աշխատանքն արդար,

Եւ սեփականություն, եւ ժամանակը գյուղացու:

(Թարգմ.՝ Ն. Ջաբյանի)

Պուշկինը, սկսելով Ռուսաստանի բնությունից, աստիճանաբար իր համար բացահայտեց ռուսական իրականությունը:

Չի կարելի որեւէ բան փոխել Միխայլովսկոյեում ու Տրիգորսկոյեում եւ ընդհանրապես նախկին Պսկովի մահանգի պուշկինյան վայրերում (նոր՝ Պսկովշինա բառն ընդհանրապես չի սազում այս վայրերին), ինչպես նաեւ մեր սրտին հարազատ ցանկացած հիշարժան առարկայում: Անգամ թանկարժեք շրջանակն այստեղ հարմար չէ, քանի որ պուշկինյան վայրերը ռուսական բնության այն լայնարձակ հատվածի կենտրոնն են միայն, որն անվանում ենք Ռուսաստան:

Շարունակելի

Ռուսերենից թարգմանությունը՝
Տ. Անդրեաս վրդ. ԵՋԵԿՅԱՆԻ

Հարյուրամյա հոբելյանը՝ 100 բանաստեղծությանը

Մեր ժամանակների մեծամուն բանաստեղծ Վահագն Դավթյանը հատել է իր երկրային ժամանակի 100-րդ տարեդարձը: 2022 թվականը հոբելյանական էր, լեցուն՝ դավթյանական հոգեպարար եւ զմայլելի շնչով:

Հանրապետության բազմաթիվ բնակավայրերում այդ կապակցությամբ կազմակերպվեցին գրական-երաժշտական բազմաթիվ միջոցառումներ:

Հարյուրամյա հոբելյանի զարդապսակը դարձավ «Համազգային կրթական եւ մշակութային միության» երեւանյան գրասենյակի նախաձեռնությամբ հրատարակված շքեղ հատորակը, որի էջերում զետեղված են Վ. Դավթյանի լավագույն հարյուր գործերը: Կազմողը ՀՀ մշակույթի վաստակավոր գործիչ, համբավավոր ասմունքող, դավթյանական բանաստեղծության անդավաճան նվիրյալ Սիրվա Յուզբաշյանն է, խմբագիրը՝ մեր օրերի ճանաչված բանաստեղծ Խաչիկ Մանուկյանը: Իսկ գրքի ուշագրավ ձեւավորման հեղինակը Արտակ Բաղդասարյանն է:

«Ծննդավայր» բանաստեղծությամբ բացվող եւ «Գիշերային գրույց Նարեկացու հետ» պոեմով փակվող գիրքը լավ նվեր է

հայ պոեզիայի սիրահարներին եւ բոլոր նրանց, ովքեր ճշմարտացի ընկալում են հայ գրականության եւ առհասարակ հայ մշակույթի էությունն ու բովանդակությունը, ովքեր նվիրված են Հայաստանին եւ հայ գեղարվեստին՝ անմնացորդ եւ անսակարկելիորեն:

Կարող ես տասն անգամ, հարյուր անգամ ընթերցել սույն ժողովածուն եւ վերստին հագուրդ ունենալ այն նորից ու նորեւն ընթերցելու համար:

Այո, այդպիսին է ճշմարիտ բանաստեղծության խորհուրդը: Վ. Դավթյանի բանաստեղծական աշխարհում Հայաստան երկիրն է՝ իր ամբողջական ընթացքով՝ անցյալով, ներկայով ու գալիքով:

Դավթյանի տողերում ամենից բնորոշ ապրումը, թերեւս, կարոտն է՝ մարդկային հոգին սարսռացնող ու խելագարեցնող կարոտը, որն առկա է նրա յուրաքանչյուր թերթվածում.

*Թե հրաշքով ճամփաս տանի
Դեպի Եփրատ ու մանկություն,
Հոտոտելով քեզ կգտնեն,
Հայրենական փողբիկ իմ տուն:
Այն կապույտից ու այն ոսկուց,
Որ ջրերին էին թառում,*

*Կճանաչեմ ու կգտնեմ
Իմ մանկության ոսկե առուն:*

Այո, Արեւմտյան Հայաստանի Արաբկիր սքանչելի գյուղաքաղաքում ծնված հայտնորդին գիտակցական ողջ կյանքում խենթացավ կորուսյալ հայրենիքի կարոտից եւ ապրեց զուգահեռ աշխարհում, ապրեց իր անկորնչելի հայրենի եզերքի հետ, ապրեց աներեւույթ, անմութական, սակայն շատ գիտակցորեն, շատ իրական, հոգու եւ սրտի այրող թելադրանքով.

*Երբ վերջին անգամ աչքերս փակվեց այս
աշխարհի դեմ,
Ու ճակատիս թրթռա շունչը ուրիշ մի
հովվի,
Իմ կուպերի տակ մի վերջին անգամ
կփռվի, գիտեմ,
Մի արեւավոր, հեռավոր հովիտ:*

*Կիսշա խաղաղ ոսկե մի գետակ, բարդի
մի զով,
Կթախծի լռին կտուրն արեւոտ տանն իմ
հայկական,
Հեռու մի հովիտ, ուր կարոտներիս
արահետներով
Քայլեցի անվերջ, չհասա սակայն...*



Վահագն Դավթյանը բանաստեղծական չափ ու կշռով, հանգով ու տողով երկնեց իր երգիրը:

Աստվածային օրհնությամբ լեցուն բանաստեղծի հատընտիրը մեր բանաստեղծության ու մեր ժողովրդի համակ կերպարի եւ հոգեւոր ազնվության վկայագիրն է աշխարհի առջեւ...

Արմեն ԿԱՐԱՊԵՏՅԱՆ
Պատմական գիտ. թեկնածու

ՅԱԿՈԲ ՊԱՏՐԻԱՐԻ ՆԱԼԵԱՆ

ՔՐԻՍՏՈՆԷԱԿԱՆ ՈՒՍԱՆԵԼԻ

էջ 6

Տասներկորդ հարցում. *քաջութեան մասին, որ բարոյական երկրորդ առաքինությունն է:*

Քաջութիւնն առաքինութիւն ու զօրութիւն մըն է, որով մէկը բոլոր դժուարութիւնները սիրով կը տանի, որ ո՛չ յաջողութիւններու մէջ կը հպարտանայ, ո՛չ ալ ծախսողութիւններու մէջ կը տրտմի ու կը թուլանայ:

Քաջութիւնը հինգ բանի մէջ կը կայանայ. Առաջին, որ մարդ յոյսով ու քաջութեամբ բարձրագոյն առաքինութիւններուն կը ձեռնարկէ ու չի յուսահատիր գործի մեծութեան պատճառով. Բրիստոս այսպէս ըսաւ առաքելաւորութեան զանոնք մահուան դէմ գինելով. *մի վախճաք անոնցմէ, որոնք մարմինը կը սպաննեն:*

Երկրորդ, որ մարդ կը խտորորի ու կը շեղի երկրաւորներէն, ինչպէս Մովսէսը ուրացաւ փարաւոնի աղջկան զաւակ ըլլալ:

Երրորդ՝ որ մարդ նեղութիւնները համբերութեամբ ու սիրով կը տանի, քանի որ սէրը մահուան պէս զօրաւոր է:

Չորրորդ, որ մարդ ամէն տեսակի փորձութեան եւ դժուարութեան դէմ կը կենայ վահանի պէս, որովհետեւ ո՛չ ոք պսակ կը ստանայ, եթէ կարգով ու օրէնքով չպատերազմի:


Հինգերորդ, որ մարդ յաղթէ ու նուաճէ ամէն մոլութիւնները, քանի որ մարդուն կեանքն աշխարհին վրայ պատերազմ մըն է:

Քաջ ու բարի մարդ եղիր դուն, ինչպէս կորինը առիւծին,

Դժուարութիւններէն մի փախչիր ու քունէն մի յաղթուիր:

Տասներեքերորդ հարցում. *ողջախոհութեան մասին, որ բարոյական երրորդ առաքինութիւնն է:*

Ողջախոհութիւնը բոլոր անկարգ ցանկութիւններուն սանձ է, որով մարդ ինքզինք կը զսպէ աշխարհի սէրէն ու վաւաշտութենէն: Թէեւ Աստուած ցանկական զօրութիւնը կապած է մարդուն մէջ, որով անասուններէն կը տարբերի, սակայն անկարգ ու չար ցանկութիւնը խափանած է զայն. իսկ ցանկութիւնն անհրաժեշտ ու պատուական համարել միայն որդեծնութեան ու պարտքերու հատուցման պարագային: Բայց այս երկուքն ալ խափանուած են կոյսերէն, վարդապետներէն, կրօնաւորներէն ու ճշմարիտ այրերէն: Դարձեալ՝ ողջախոհու-



թիւն է նաեւ, որ մարդ ետքէն ափսոսալու գործ չգործէ եւ առաքինի ճամբէն չէլլէ, այլ նուաճէ ցանկութիւնը բանակութեան լուծին տակ: Քանի որ բոլոր մեղքերուն մէջ բղջախոհութեան հեշտութիւնը շուտով կ'անցնի, սակայն խղճմտանքի որդը շատ կը տանջէ վաւաշտ ցանկութիւն գործողը, որ առաջ ինչքան ցանկալին կը սիրէր, սակայն ցանկութիւնը կատարելէ ետք կը սկսի աւելիով աւելի: Ինչպէս յայտնի է Դաւիթի որդիէն՝ Ամոնէն, որ նախքան ցանկութիւն կատարելը Թամարին շատ կը սիրէր, սակայն չարութիւնը գործելէն ետք այնքան շատ աւտեց:

Անպայմանօրէն մարդ երբ իմանայ, թէ իր գործած չարիքը յայտնուած է, տեսնում անոր յուզումը, իրար անցնիլը, երբ ցանկութիւնն անցաւ եւ անկրթութիւնը տիրեց անոր: Այդ պատճառով, որպէսզի չխայտառակուի եւ որպէսզի Աստուծոյ աչքէն չէլլէ, ողջախոհ Սուրբ Յովսէփ Գեղեցիկը բանտի դժուարութիւններուն համբերեց, տոկաց: Իսկ Սուրբ Շուշանը չընդառաջեց չար ծեր դատաւորներուն՝ հակառակ անոր, որ գիտէր՝ եթէ չընդառաջէ, զրպարտութիւն պիտի ընեն ու զինք սպաննել պիտի տան, սակայն ճիշդ նկատեց մեռնիլ, բայց սուրբ անունը չաղտոտել ու խայտառակ չըլլալ ու Աստուծոյ աչքէն չէլլել:

Ողջախոհութիւնը երեք մասեր ունի՝

զգաստութիւն, ժուժկալութիւն եւ համեստութիւն:

Չ գ ա ս տ ու թ իւ ն՝ ուտելիքներու եւ խմելիքներու, քանի որ շատ ուտելն ու խմելը ցանկութիւնը կը բորբոքեն:

Ե Ր Կ Ր Ո Ր Վ՝ ժուժկալութիւն, որ մարդ իր ծննդական արմատներուն պիտի չհետեւի:

Երրորդ՝ համեստութիւն, եւ ասիկա բերանին համար է, որպէսզի գէշ խօսքեր չխօսի,

քանի որ գէշ բերանը գէշ հոգի կը մշակուի: Տակաւին, ինչպէս որ գէշ խօսք խօսիլը վատ է, այդպէս ալ լսելը, որ մարդուն սիրտը կը բորբոքէ: Նմանապէս՝ աչքով կեդոտ բաներու մայիլը մարդուն սիրտը կը հալէ, այդ պատճառով Յոր Երանելին ուխտ դրաւ իր աչքերուն, որպէսզի կոյս աղջկայ չնայի: Այսպէս ալ հոտոտելիքը պէտք է զսպել, որովհետեւ մուշկը, յամպարն ու այլ անուշահոտ իւղերը բղջախոհին սիրտը կը գրգռեն, եւ շնացող մարդիկն անպայմանօրէն այս չար իւղերուն կը հետեւին:

Եթէ կ'ուզես ազատիլ, զգայութիւններուդ պահապան դիր,
Եթէ չես ուզեր ափսոսալ, ցանկութիւններու մի հետեւիր:

Տասնչորրորդ հարցում. *արդարութեան մասին, որ բարոյական չորրորդ առաքինութիւնն է:*

Արդարութիւնը հաւասարաբաշխ առաքինութիւնն է, որ բոլորին ըստ արժանւոյն կը հատուցէ, որուն՝ պատիւ, որուն՝ երկիւղ, որուն՝ խնամք: Սակայն արդարութիւնը բոլոր առաքինութիւններուն մէջ խառն է:

Արդարութիւնն է, որ կը սորվեցնէ, թէ ինչպէս ամէն բանէ վեր պէտք է պատուել ու պաշտել զԱստուած, զթալ ու ողորմիլ ծնողներուն, արիւնակիցներուն եւ բոլոր մեղող-

ներուն, շնորհակալ ըլլալ բարերարէն եւ այդ բարերարութեան համապատասխանը ընել: Վրէժխնդիր ու արդարադատ ըլլալ բոլոր անիրաւութիւններուն եւ զրկանքներուն եւ թոյլ չտալ անհաւատարմութիւն եւ անիրաւութիւն ընել ոեւէ մէկու մը: Ճշմարտախօս ըլլալ ամէն ինչի մէջ. չարին բարի չըսել, բարին չար չըսել, լոյսին խաւար չըսել, ու խաւարին՝ լոյս:

Տակաւին, դարձեալ արդարութիւն է մեծը պատուելն ու անոր հեղինակութիւնը յարգելը. հաւասարին ու մմանին հետ սիրով մայրիլը, եւ իրմէ պզտիկին ողորմիլն ու խնամելը:

Դարձեալ արդարութիւն է, որ մարդ իրեն առնչուած բաներուն միայն խառնուի, իսկ իրեն հետ առնչութիւն չունեցող բանին չմօտենայ, այլապէս այդպիսի մարդը յանդուգն ու ամբարտաւան է՝ օրէնքի ու կանոնի հակառակ, եւ ամօթը չընդունող:

Բոլորին հանդէպ խոնարհ եղիր, մի հպարտանար, եթէ մեծ ես,
Գիտցիր, թէ Աստուած բոլորէն մեծ է, եւ մի ըսեր, թէ փարթամ ես:

Շարունակելի

Փոխադրութիւնը՝
Վարանդ (Յակոբ) ՔՈՐԹՄՈՍԵԱՆԻ

ՔՐԻՍՏՈՆՅԱ ՀԱՅԱՍՏԱՆ

Կրօնական, մշակութային, լրատվական երկշաբաթաթերթ

Հիմնադիր՝
Մայր Աթոռ Սուրբ Էջմիածին

Հրատարակիչ՝
«Քրիստոնյա Հայաստան»
թերթի խմբագրություն

Գլխավոր խմբագիր՝
Նարինե Հովհաննիսյան

Գրանցման վկայական՝ 624
Խմբագրության հասցեն՝
Մայր Աթոռ Սուրբ Էջմիածին

Հեռախոս՝ (010) 517 280

Էլ. փոստ՝
qristonyahayastan1@gmail.com
qristhay@etchmiadzin.am

web կայք՝
krishayas.wordpress.com
etchmiadzinlibrary.am/en/kristonya-hayastan

Ստոր. տպագր. 1.03.2024 թ.

Տպաքանակը՝ 1265